

CONVENIO DE COLABORACIÓN ENTRE A AXENCIA DE TURISMO DE GALICIA E O CONCELLO DA ESTRADA PARA O APOIO Á CELEBRACIÓN DAS FESTAS DO CONCELLO NO ANO 2026

O xerente de Turismo de Galicia

DECLARA:

Que esta Axencia Turismo de Galicia formalizou co Concello da Estrada o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2026.

Que o instrumento convencional ten por obxecto establecer as bases de colaboración entre a Axencia de Turismo de Galicia e o Concello da Estrada para o apoio á celebración das festas tradicionais do Concello.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se **fundamenta** no seguinte:

Primeiro.- A Axencia Turismo de Galicia, en virtude do disposto no artigo 9 dos seus estatutos, aprobados polo Decreto 196/2012, do 27 de setembro, é a entidade pública instrumental do sector público autonómico de Galicia á que lle corresponde o impulso e execución da política turística da Xunta de Galicia en relación coa promoción da calidade e a innovación, o desenvolvemento, mellora, información e difusión do sector turístico galego, potenciando a devandita oferta, mediante a comercialización, información e difusión do produto turístico da Comunidade Autónoma de Galicia.

Para lograr esta finalidade a Axencia Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos.

Segundo.- As festas tradicionais constitúen un dos principais elementos de identidade cultural e social da Estrada, formando parte do patrimonio inmaterial do municipio e sendo un punto de encontro fundamental para a veciñanza, as persoas retornadas e os visitantes que cada ano se achegan ao territorio.



Ao longo do ano, e especialmente durante os meses de primavera e verán, A Estrada conta cun amplo calendario de celebracións populares que se desenvolven tanto na propia vila como nas diferentes parroquias do municipio. Estas festas, romarías e encontros tradicionais representan unha manifestación da cultura galega máis arraigada, combinando música, gastronomía, tradicións relixiosas e actividades de convivencia que favorecen a participación cidadá e a cohesión social.

As celebracións estivais das distintas parroquias estradenses contribúen de maneira significativa á dinamización do medio rural, xerando actividade económica e social nos núcleos locais e favorecendo a presenza de visitantes durante unha época do ano especialmente relevante para o turismo. As verbenas, actuacións musicais, actividades culturais, propostas gastronómicas e demais actos programados permiten manter vivas as tradicións locais e poñer en valor os recursos culturais e humanos do municipio.

Dentro deste amplo calendario festivo destaca especialmente a celebración das Festas de San Paio, patrón da vila da Estrada, que constitúen o evento festivo de maior dimensión e relevancia do municipio. Estas festas representan un referente para a veciñanza e unha das principais citas culturais e sociais da comarca, cunha capacidade de convocatoria que cada ano atrae milleiros de persoas procedentes de diferentes puntos de Galicia e doutros territorios.

As Festas de San Paio supoñen un importante motor de dinamización económica, turística e cultural, cun impacto directo nos sectores da hostalaría, comercio, servizos e turismo local. A súa programación combina tradición e modernidade, integrando actos relixiosos e institucionais, actividades para todos os públicos, propostas culturais e actuacións musicais con artistas de relevancia galega e estatal, o que permite ampliar o seu atractivo e reforzar a súa proxección exterior.

Este conxunto de celebracións complétase con outras citas de especial interese dentro do municipio, como a Rapa das Bestas de Sabucedo, unha das tradicións máis recoñecidas de Galicia, así como as numerosas festas patronais e romarías que teñen lugar nas parroquias estradenses durante os meses de verán. Todas elas conforman unha oferta festiva diversa que reforza o atractivo turístico do territorio e favorece a posta en valor do patrimonio cultural e etnográfico local.

Por todo o exposto, considérase que o apoio á celebración das tradicións festivas da Estrada, responde a un claro interese público, cultural, turístico e económico. A súa realización



contribúe ao desenvolvemento local, á dinamización do medio rural, á promoción dos valores propios de Galicia e ao fortalecemento da identidade colectiva do municipio.

Neste contexto, a colaboración da Xunta de Galicia resulta fundamental para garantir a continuidade e mellora destas celebracións, reforzando os seus obxectivos en materia de promoción turística, apoio á cultura galega, valorización das tradicións populares e impulso da actividade económica local.

Deste xeito, as festas da Estrada, e de maneira singular as Festas de San Paio, consolidan o seu papel como un elemento esencial de promoción cultural, turística e económica, contribuíndo a proxectar a imaxe da Estrada e de Galicia como territorios vivos, participativos e cunha importante capacidade de atracción e desenvolvemento.

O investimento previsto responde ás necesidades básicas para garantir o adecuado desenvolvemento das festas, especialmente no relativo á contratación de actuacións musicais, servizos técnicos, infraestrutura audiovisual, ambientación do espazo festivo e elementos tradicionais como a pirotecnia, que forman parte esencial da programación e do atractivo destas celebracións.

Terceiro.- A Estratexia de Turismo de Galicia 2030 recolle, dentro da "Misión 1. Galicia, destino auténtico e diferencial", a "Medida Estratéxica 1.8. Galicia é Festa". Nela indícase que as festas populares son unha mostra da identidade cultural e a tradición do territorio galego, polo que están chamadas a converterse nun reclamo turístico único, que pode atraer a diferentes perfís de turistas durante todo o ano combatendo así a estacionalidade do turismo. Por iso, é imprescindible promover tanto as Festas de Interese Turístico coma os eventos e celebracións populares que poñen en valor a nosa cultura, historia ou tradicións, resaltando a nosa singularidade.

Ademais das festas declaradas de interese turístico, cada vez xorden máis eventos que se caracterizan pola súa importancia mobilizadora de demanda turística e que supoñen un incremento de visitantes en diferentes municipios e áreas rurais, o que facilita a distribución do turismo por todo o territorio galego contribuído a unha maior cohesión e equilibrio turístico, evitando a concentración nas grandes cidades ou áreas costeiras. Tamén contan con un importante efecto desestacionalizador.

A Axencia de Turismo de Galicia está interesada en apoiar ao Concello no desenvolvemento da festa indicada no expoñendo primeiro por ser unha iniciativa de relevancia para a



divulgación da oferta turística galega, como medida de promoción e fomento do turismo para o impulso da mellora económica do sector.

Que a través deste convenio, outórgase ó Concello da Estrada unha subvención directa en virtude do disposto no artigo 19.4 c) da Lei 9/2007, do 13 de xuño, de subvencións de Galicia, polas razóns de interese público, social, económico e humanitario expostas nos puntos anteriores que dificulta a súa convocatoria pública, de conformidade co previsto no artigo 26.2.a) da Lei 9/2007 do 13 de xuño, de subvencións de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela

O xerente de Turismo de Galicia

Antonio Casas Calviño

